

北京師範大學圖書館藏稀見方志叢刊

十一

北京師範大學圖書館 編

北京圖書館出版社

寧州志序

大治壬春元捐

郡邑之有志也所以儲史資也周禮外
史掌邦國之志者也而尤切於治理莫
如邑志邑有志而後郡有志郡有志而
後省有志省有志而後成一統志厥係
重矣江右之有寧州爲南昌府屬之一

邑而不知其爲全省西北之大障蔽也
北與湖北之通山崇陽通城三縣接西
與湖南之平江瀏陽二縣接所謂吳頭
楚尾者也故素稱望邑又皆崇山峻嶺
岐界連屬故銅鼓營之設遊擊分府并
駐劄道員非無故也顧志之失修久矣

前明成化中蕭令光甫始爲志四卷蓋
本宋時徐筠修水志也嘉靖壬寅陸牧
統以都憲周公季鳳修水備考爲據復
一修萬曆乙未方牧沆以前任楊牧維
誠所輯者刪正之復一修

國朝康熙乙巳徐牧永齡復一修甲寅乙

卯兩經兵火悉付秦灰庚申班牧衣錦
復承檄纂修不絕如綫丙申蛟水爲患
載沉載浮盡逐洪流矣此正當大難修
之會而又不容緩於修之會也非得勤
敏練達之才有不委責後人而肩斯任
者哉今張牧以撫州別駕調任奉

制憲趙公之檄得明經陳生昌言任其
事開局延集同志博採慎覈脫稿呈予
予卽檄州牧親加詳閱酌定蓋志之待
於修也亟矣而寧尤甚千山萬壑競秀
爭竒所出文人恒冠絕一世如黃山谷
其首推也而重疊險阻奸宄易匿又爲

用武之地非可僅以文治也至於水利
陂塘共一千二百四十一所溉田八百
三十三頃皆利害相因之勢也牧斯地
者可不日覽斯志熟悉民風土俗斟酌
化導以期改革舊習導迎善氣領山川
之靈秀發爲文章事業以遵一道同風

之治哉張牧爲政能悉其所先得人以
任事而陳明經盡力以成百餘年未竟
之業以垂惠後人俱可嘉也是爲序

時

乾隆貳年歲次丁巳秋閏九月朔日

賜進士出身

ノ



五

樓板

誥授通奉大夫江西等處承宣布政使司

布政使伊祁刁承祖步武氏題於豫章

藩署



重脩寧州志序

寧州古艾子國山深谷邃疆圉繡錯握吳楚
之樞紐作荆襄之屏障唐以前率以荒服視
之附屬不常自貞元間割武寧八鄉始制縣
治宋因之尋稱為軍元改為路後改為州明
初改縣弘治間復為州志之始作邈不可攷
成化中縣尹蕭公光甫始為志四卷垂七十

年都憲來軒周公作修水備考二十卷其事始詳然僅一家言未授之梓又三十年壬寅前州守陸公統有志而未集嗣因接任守萬公民望與貳守余侯瀛節判李侯松僉議重輯請于來軒周公以草授之於是葺纂成志歲乙未前守方公沆復踵而脩蓋益備矣迨乎鼎革州遭兵燹簡編殘失康熙初年州守

徐公永齡復起而葺之得之殘梓者十之五
六採之于儒林者十之三四自乙未以後六
十年之事蹟典故始有可徵甲寅冬乙卯夏
兩經兵火一切案牘版籍悉付秦炬前守任
公暄猷於斥堠戒嚴烽烟交警之際力為編
葺補完殘闕九年庚申前守班公衣錦復承
纂脩之檄增葺冠氛中死事之孝子節婦方

技仙蹟學宮書院藝文祥異之闕畧至五十
五年蛟水泛濫公廨文卷湮沒無存板逐波
臣而沒而州志一書竟同廣陵散矣余慙寡
昧承乏是邦甫至即訪諸故事歷代因革之
宜貿々然莫得其據覓借舊志刻久漶漫半
不可讀廼惕然曰夫州之有志猶國之有史
鑒已往垂將來勸懲之理存而裁成輔相之

道亦由之而出修之烏可或緩祇以簿書鞅
掌工作繁興有不得不急所先務而姑緩此
者雍正十二年歲在甲寅適奉大總制趙
公徵修州乘亟謀于學延佇半載無一應者
歲終有明經陳子昌言自白下歸忻然獨任
其事慨捐已貲無少難色余恐鄉黨之間不
無傍掣其肘者用是定為科條牒請上臺

僉曰可於是陳子開局延集同志具筆硯徵
書籍而從事焉甫脫稿乃有起而議其後者
牘上 大方伯刁公檄州親閱嗟乎郡邑修
志亦猶修史昔者江淹曾言之矣蓋史重褒
貶故刪述宜嚴而志尚詳明故纖悉必載第
所難者徇衆議則近濫登屑細則近俚任意
抒辭則似文至於尚論古人從違時好尤所

極難昔歐陽文忠公修五代史而高安劉壯
輿摘其挂漏作糾謬論以示兩蘇兩蘇不能
屈范大成為吳郡志猶不免流俗之揜貶乃
知著述之難雖上哲鴻才猶所不免況下焉
者乎我輩憤上遠不逮前人而居桑梓之間
操月旦之任良非易事予既忝膺司牧有主
持風教之責且重以大方伯之命雖自愧